

Bosna i Hercegovina
Federacija Bosne i Hercegovine
Dom Naroda Parlamenta Federacije BiH

Delegati Željko Mirković
Mladen Lonić

Sarajevo, 24.07.2018. godine

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno: 24-07-2018			
Org. jed.	Broj	Priloga	Vrijednost
02	- 02	- 1135	/18

DOM NARODA
n/r Predsjedavajuća Lidija Bradara

Na osnovu člana 177. Poslovnika o radu Doma naroda Parlamenta Federacije BiH podnosimo amandman na Prijedlog Zakona o izbornim jedinicama i broju mandata Parlamenta Federacije BiH,

Član 9 stav (2) mijenja se i glasi:

"Mandati koje lista dobije raspodjeljuju se najprije među kandidatima sa liste, od kojih je svaki dobio najmanje **deset procenata (10%)** od ukupnog broja važećih glasova koje je dobila ta lista i to dodjelom mandata redoslijedom od najvećeg do najmanjeg broja glasova. Ako ima još mandata koje treba dodijeliti listi, a preostali kandidati su dobili manje od **deset procenata (10%)** od ukupnog broja važećih glasova koje je ta lista dobila, raspodjela mandata među preostalim kandidatima te liste vrši se prema njihovom redoslijedu na listi".

Obrazloženje

Predlagači Klub poslanika SDA, Klub poslanika SBB, Klub poslanika DF, Klub poslanika SDP u Predstavničkom domu Parlamenta Federacija BiH i delegat u Domu naroda Parlamenta FBIH Predrag Kojović, 16.07.2018. godine uputili su u hitom postupku Zakon o izbornim jedinicama i broju mandata Parlamenta Federacije na koji ulažemo amandman koji smatramo neophodnim kako bi se zadovoljili demokratski standardi i poštovala volja birača.

Pitanje cenzusa unutar kandidatskih listi u ovom Zakonu koji se tiče Opštih izbora, postavljeno je na diskriminatoran način, u odnosu na liste za lokalne izbore, budući da je utvrđeni cenzus na tim listama 10%, a da pri tome ne postoji razlog zašto bi se trebao razlikovati!?

Važno je napomenuti da je dosadašnji cenzus, prije izmjena bio 5%, i može se postaviti i opravdano pitanje uopšte svrhe cenzusa, osim iz razloga da se stranačke liste nastoje

"zatvoriti" i onemogućiti izbor "nepoželjnih" kandidata unatoč izbornoj volji glasača, jer je jasno je da je cenzus od 20% unutar stranačkih lista veoma teško dostižan.

Ovako neopravdano visokim pragom unutar lista, u velikoj mjeri se narušava praksa direktnog biranja kandidata od strane građana, gdje je mogućnost birača da putem svojih preferencijalnih glasova promijene redoslijed u dodijeli mandadata na određenoj listi, svedena na minimum, odnosno onemogućen.

Formalno liste ostaju otvorene, građani će prividno i dalje moći putem preferencijalnih glasova podržavati pojedinačne kandidate na listama, ali je više nego očigledno da će odlučujuću ulogu u raspodjeli osvojenih mandata imati najuža stranačka rukovodstva prethodno utvrđenim rasporedom na listama, dok će volja građana u ovom kontekstu biti maksimalno marginalizovana, što je protivno dostignutim demokratskim standardima.

Tako bi kandidati koji imaju veći broj preferencijalnih glasova ostali bez mandata ukoliko ne bi prešli cenzus od 20%, iako imaju veću podršku građana od onih koji u skladu sa ovakvim zakonskim rješenjem dobijaju mandate, samo iz razloga jer su "bolje" pozicionirani na stranačkim listama.

Smatramo to nedopustivim u demokratskom društvu, radi čega podnosimo amandman i predlažemo da se unutrašnji cenzus smanji na 10 posto, čime bismo omogućili da glasači svojom voljom i demokratskim izborom utiču na personalni sastav kandidata u parlamentima, što se postojećim Prijedlogom onemogućava.

Podnosioci amandmana

Delegati u Domu naroda Parlamenta FBiH


Željko Mirković

Mladen Lonić

